

Headline	SAEYLS masuk tahun kelima penganjuran		
MediaTitle	Mingguan Malaysia		
Date	24 Apr 2016	Color	Full Color
Section	Dlm Negeri	Circulation	171,663
Page No	21	Readership	563,000
Language	Malay	ArticleSize	236 cm ²
Journalist	N/A	AdValue	RM 5,317
Frequency	Daily	PR Value	RM 15,951



SEBAHAGIAN peserta dari SMK Perempuan Sri Aman, Petaling Jaya bersorak ketika menyertai program **Amazing Race** sempena penganjuran SAEYLS di **FRIM**, Kepong, Kuala Lumpur, semalam. - MINGGUAN/HALIM KHALID

SAEYLS masuk tahun kelima penganjuran

KUALA LUMPUR 23 April - Bagi mendekatkan diri dengan alam sekitar dan persekitaran yang lebih bersih, Sekolah Menengah Kebangsaan (SMK) Perempuan Sri Aman, Petaling Jaya sekali lagi menganjurkan program Sri Aman Environmental Youth Leadership Summit (SAEYLS 2016).

Program yang memasuki tahun kelima penganjurannya itu memberi peluang kepada pelajar sekolah dalam dan luar negara mencipta kesedaran orang ramai mengenai pentingnya penjagaan alam sekitar global.

Pengurus Program SAEYLS 2016, Aslina Abdul Kadir berkata, 10 sekolah luar negara antaranya India, Indonesia, Filipina dan Thailand untuk menyertai program tersebut.

"Pelajar diberikan peluang untuk menguruskan sepenuhnya program ini dengan pemantauan daripada beberapa guru terlibat.

"Mereka yang dipilih ini merupakan antara golongan pelajar cemerlang dari segi akademik dan kokurikulum serta kami tapis melalui sesi temuduga untuk membentuk kumpulan jawatankuasa program terbaik," katanya demikian dalam program Amazing Race sempena penganjuran SAEYLS di **Institut Penyelidikan Perhutanan Malaysia (FRIM)** Kepong, di sini hari ini.

SAEYLS yang berlangsung selama enam hari disertai 55 pelajar yang mewakili SMK (P) Sri Aman, SMK Bukit Jambul, Pulau Pinang dan Kolej Tunku Kurshiah, Negeri Sembilan selain pelajar Streesmutprakan School, Thailand; SMAN 10 Samarinda, Indonesia dan Philippine Science High School, Filipina serta dari MGD Girl's School, India.

"Pelbagai aktiviti dilaksanakan termasuklah pertandingan Amaz-

ing Race, lawatan ke Petrosains KLCC, pertandingan mencipta video dan taklimat mengenai penjagaan alam sekitar," katanya.

Mengenai sisipan *Tutor*, Aslina berkata, pelajar SMK (P) Sri Aman berjaya menunjukkan peningkatan cemerlang semenjak menggunakan *Tutor* sebagai bahan pembelajaran.

"Ini dibuktikan melalui pencapaian Pentaksiran Tingkatan 3 (PT3) dan Sijil Pelajaran Malaysia (SPM) tahun lalu apabila 55 orang memperoleh semua A dalam PT3 dan sekolah kami berjaya mendapat tempat ketiga terbaik di negeri Selangor bagi SPM.

"*Tutor* digunakan secara meluas oleh pelajar terutamanya pelajar yang menduduki PT3 dan SPM sebagai tahanan ulang kaji di rumah ataupun pembelajaran di sekolah," katanya.